

*Barulum, Barleta* vulgo. Inter quatuor Italiae Castella numeratur, *Ostunum* populo frequens, parvo in colle situm. *Cilium, Cilio*: *Celia* Ptol. *Venusia, Venusum* Horatio, cujus patria. *Venosa* hodie. Sunt item *Canusium, Acherontia, Biletum* & alia Opida.

*Terra d'Otranto.*

*Nomina.*

*Situs.*

*Cœli temperies.*

*Soli fertilitas.*

*Urbes.*

Post *Apulias* explicanda succedit *Salentinorum Regio*, quæ & *Iapygia Massapiapue*, item *Calabria*. Nunc Italis ab *Hydrunte, Terra Hydruntina*, vulgo *Terra d'Otranto*. Habet hæc Regio ab Meridie Tarentum & Mare usque Promontorium Salentinum, ab Oriente idem Promontorium cum Mari Ionio: quod etiam & Hadriatico, qua Septentrio est, adluitur ab *Hydrunte Brundisium* usque; qua Occidentem respicit *Apulia* illi adjacet *Peucetia*, cum Magnæ Græciæ portione. Tota hæc Regio saluberrimo gaudet acre, cœloque ludo & sincero, præterquàm in ora, quæ ab Lacu Hydruntino *Brundisium* usque: ubi plerisque in locis juxta mare sunt Paludes. Regio fertilis & optima; Caput Regionis, cui nomen a se præbuit *Hyaruntum*, id est Strab. Ptol. & aliis, *Hydrus Mela*, hodie *Otranta*. Urbs est vetustissima, cœlo potitur clementissimo. Præter Portum satis capacem, Aquilone flante non satis tutum, Arcem habet in Saxo, quo mari imminet, tutissimam: opus Alfonsi I. Ager illi amœnus & fertilis. Reliquæ sunt: *Gallipolis*, hodie *Callipolis*: Aliis *Callipoli* tamquam *Urbs pulchra*. Munitissimum habet natura situm, Scopulo enim insidet seu Insulæ modicæ, quæ mari undique cingitur, Continenti ponte adhærens, saxi fulto ingentibus. *Castrum* Civitas Mercatoribus frequens Olei coemendi. *Brundisium* & *Brundisum, Breundesum* Ptol. *Brentesium* Steph. *Barnedis* Benjamine, *Brindisi* hodie. Aerem habet clementissimum. Portus olim illi incultus, ex quo Romanis tutissimus quondam fuit in Græciam transitus. Nunc repletus est: adeo ut vix triremibus per eum currere liceat. Arx urbi munitissima. *Oria* civitas in Colle Tarentem spectans. Spectat eam Arx in Colle valida. *Aletium* Ptol. hodie *Leze* & *Leccie* vulgo. Salentinorum hodie primaria Concilio totius *Apuliæ* Regio, Foroque perpetuo: Procerum totius hujus tractus Domicilium, multorumque Nobilium Sedes. *Vxentum* hodie *Usento, Vgenti, Ogento*, variante scriptura; nunc perexigua est.

*Calabria & unde dicta.*

*Situs.*

*Soli fertilitas.*

*Calabria*, ab *Calabris*, quos Magnæ Græciæ partem Salentinis adhærentem ad Ionium Æquor circa *Iapygium* Promontorium tenuisse, ex Ptolemæo est manifestum, nomen habet. Regio Italiae in extremis ejus finibus instar linguæ porrecta inter utrumque fretum inferum superumque interjacet. Fert ubertate quadam felicitateque stupenda, quidquid Vitæ ex voto transigendæ, deliciisque fruendis necessarium: Triticum, Hordeum aliaque Frumenti genera: Vinum varium, Oleum, Saccarum, Manna, Mel, Ceram, Sal nativum Factitiumque, Ficus, Poma Medica & Citria, Limones aliosque fructus nobilissimos; item Aurum, Argentum, Lanam, Gossypium, Crocum, Sericum, Linum, & quid non? *Calabria duplex, Inferior*, quæ Brutiorum olim Sedes, hodie proprie *Calabria Inferior*; & *Superior*, quæ olim *Magna Græcia Inferioris* fines ab Occasu Laus, itemque *Lucani*: a Meridie Mare Tyrrhenum & Siculum; qua Oriens est, parte Maris Hadria-